



Opuscula



Opuscula

I  
C

A  
E

C

I

A  
S

I

A



IN NOMINE DOMINI AMEN.

A N I M U S 83

Eruditionis Habendæ Avidus,

*Aristotelica Philosophiâ, veluti Amplissimo sciendi Regnò*

P E R L U S T R A T O,

Regi Immortali & Invisibili,

D E O T. O. M.

Uni in Essentia & Trino in Personis

Experimenta Scientifica,

Quæ integro biennali conquisserat Cursu,

In Holocaustum Latreuticum:

*Per publicam Conclusionum Peripateticarum ad disputandum Expositionem.*

Sub Assistentia

M. CASIMIRI STEPLOWSKI

S. Theologiæ BACCALAVREI, ac protunc Cursus Philosophici Vladislaviani PROFESSORIS, Collegæ Majoris, Ecclesiæ Collegiæ S. FLORIANI Clepardiæ ad Cracoviam CANONICI.

Objectis satisfaciente

*Excellen:* M. ALBERTO FOLTANSKI Philosophiæ Doctore, protunc ejusdem Cursus Philosophici Auditore.

In Collegio Majori, Generalis Studii Universitatis Cracoviensis,

*Cum Recognitione Supremi Domini & Auxilii Divini*

Sibi toto biennio præstiti,

Cum abyssali adoratione

O F F E R T.

*Annò Domini 1746. Die 22. Mensis Junii*

---

CRACOVIAE TYPIS VNIVERSITATIS



Illa, quæ in disciplinis traduntur, quæ quisq; intelligit verissima esse, nulla dubitatione concedit; credendum est, ea non posse intelligi, nisi ab alio quasi suo sole illustrentur. Ergo quomodo in hoc sole tria quædam licet animadvertere, quòd est, quòd fulget, quòd illuminat: ita in illo secretissimo DEO, quem vis intelligere, tria quædam sunt: quòd est, quòd intelligitur, & quòd cætera facit intelligi. *S. Augustinus Lib. 2. soliloqu. Cap. 8.*

O Domine DEVS noster! in velamento alarum Tuarum speremus & protege nos, Tu portabis & parvulos, & usq; ad canos: quoniam firmitas nostra, quando Tu es, tunc est firmitas: cùm autem nostra est, infirmitas est. *D. Augustinus Lib. 4. Confess. cap. 16.*

Non est dignus beneficium consequi, qui de beneficiis acceptis gratias non agit. *S. Thomas Aquinas in Epist. ad Rom. Sec. 5.*

Ad veram gratitudinem nos inducere debet consideratio dantis, qui est DEVS Omnipotentissimus, Nobilissimus, Amantissimus, Fidelissimus, Optimus, Beatissimus & Perfectissimus. *B. Albertus Mag. parad. animæ cap. 25.*



# DEO T. O. M.

Uni in Essentia & Trino in Personis

In quo, & à quo & per quem sapiunt, quæ sapiunt omnia, à quo admonemur, ut vigilemus, per quem mala fugimus & bona sequimur, qui nos in omnem veritatem inducit, cui serviunt omnia:

## Animus Gratus

**S**I hominibus, nobis in natura equalibus pro acceptis adstricti sumus beneficiis; longè multò pro effusis in nos cælitus gratiis, omnium bonorum Largitori DEO obligamur, juxta generale & absolutum sapientis monitum: gratus esto. Non vult infami ingratitude labe salutis inimica, Animus Philosophi infici, ne pereat; non vult, ita immemor esse, ut amplissimum sciendi Regnum perlustrando, Divina non adscribat gratia, quidquid biennali Cursu ex scientificis conquiverit experimentis, quidquid decoris suo comparaverit ingenio, quidquid boni profectus de Aristotelico Athenæo extulerit. Non etenim in vanum, Peripateticum tanto temporis intervallò circuibat Imperium: lassatus quidem toties: toties æstuantibus fervebat ignibus, brumalibus algebat pruinis, molestus, quod commune est Viatoribus, non rarò quassatus procellis; non ærem tamen verberabat, non Æthiopem lavabat, non aureos in imaginativa componebat montes; nam pretiosissimis sciendi locupletatus opibus, acsi Universam emensus fuisset terram, acsi omnia circumnavigasset aquora, acsi integrum obambulasset cælum, velut ab extero sole in patrium illustrior rediit solum. Et qui olim, antequam Aristotelico sese committeret imperio, hispidus, informis, inops, impolitus, rerumq; ignorantia obscuratus delitescibat; jam nunc perlustrato vastissimo sciendi Regno, limatus, venustus, locuples, excultusq; naturarum notitiâ comparet, ut firmissimam admirationis impressionem, mentibus sese curiosè modò contemplantibus ingerat necessariò. Ille diligens, ac in capitis ad finem perseverans Animus, quem primum spinæ Logicæ à suis perplexitatibus retrahabant, inter ejusmodi spinas, immarcescibiles frontis suæ coronatrices rosas reperit. Ille pervigil Animus Phrygiæ intuitus



gazar, quas olim ignorabat divitibus ab Erythra & Taprobane gemmis, solidis ab Eoo adamantibus, fulgentibus à Tyro purpuris, pretiosis ab Assyria velleribus rutilo à Dalmatia auro, evisceratis è montium jugis Pariis lapidibus, quondam egenus incedens ac horridus, pulcherrimè sub Aristotelico sole resplenduit. Ille Animus cali mysteria comprehendit, quem olim etiam terrena latebant, rerum quidditates, substantiasq; abstractas contemplatus, velut à corporea ad Angelicam elevatus sublimitatem, qui quondam materiae intrinsecabatur; ad DEVM Ipsum Illiusq; Attributa, ad existentiam, immobilitatem, ubiuitatem, infinitatem, simplicitatem, sua celsitudine accessit, qui quondam non ita pridem ad primum rerum principium, quod, & cuius natura esset, vix fide perveniebat. Ille deniq; Animus non solum formas abstractas in Peripatetico sciendi Regno complexus, ut frustra moderni opinantur Neoterici; sed etiam cum abstractis formis, optimè mechanica eorum principia conciliavit: edoctus enim tot particularis Physicæ objecta; ut, omne corpus esse trine mensurabile, omnia impleri æthere, causam motuum inveniri in mundo, nimirum motus calorum, dicto mediante æthere, quam solum DEVM Neoterici esse imaginantur; in elementis figuram, subtilitatem partium mutabilem, situm, gravitatem aut levitatem intuitus est, meteorologicarum impressionum materiam, ex qua fiant, modum quò mechanicè componantur, locum in quo generentur, motuum irregularitatem, quibus suos mutant situs, aliasq; passiones plenè permeavit, mundum subterraneum vidit, magisterium Artis & Natura pervasit: quomodo in plantis anima vegetet, nutriat, generet, crescat; quomodo in animalibus sentiat, sensibilia percipiat, ejusq; organorum usum, situm, machinationem; quomodo rationalis in homine intelligat, velit, discurrat, an cum phantasmatibus, an sine, an cum speciebus intelligibilibus, vel absq; an cum acquisitis an cū infusis, an eodem modo conjuncta corpori, vel à corpore separatâ operationes suas exercet, singula facili viâ penetravit. Hæc igitur & hæc similia, quæ hic brevitati studentes consultò prætermittimus experimenta, quæ in Aristotelico sciendi Regno, biennali conquestivæ labore, non propria duntaxat applicationi, verum caelesti magisterio, non cuiusvis alteri, sed ipsi DEO T. O. M. in quo sunt infiniti Sapientiæ thesauri, plenissimè attribuit Animus, ut se hac publica manifestatione Supremo Numini gratum exhibeat. Cui pro auxiliante movente, ac efficaciter pramovente Gratia, Latreuticum offert holocaustum, dum sua Peripatetica experimenta, ad publicam, cum abyssali adoratione Disputationem transfert. Ideoq; verum esto, quòd DEO T. O. M. Vni in Essentia & Trino in Personis, in quo & à quo, & per quem sapiunt, quæ sapiunt omnia à quo admonemur, ut vigilemus: per quem mala fugimus, & bona sequimur: qui nos in omnem veritatem inducit: cui serviunt omnia, Animus pro esse possibili Gratur.

CON.



# CONCLUSIONES

## Ex Universa Peripatetica Philosophia

### Aristotelicò-Thomisticæ

# EX LOGICA

- I. **F**alsa est opinio negantium dari Philosophiam, quam & à Platone & ab Aristotele bene definiri, ac in speculativam & practicam dividi, constat.
- II. **L**ogicam esse utilem, ac prius, quàm Physicam, aut Metaphysicam, addiscendam, ac ab intrinseco necessariâ ad dirigendas mentis operationes, divisam in docentem & utentem, tanquam in Habitus solùm ratione distinctos.
- III. **L**ogica secundùm totam latitudinem sumpta, est propriè scientia, illaq; speculativa, ac simplex qualitas: cuius objectum formale & adæquatum, est ens rationis directivum: non voces, nec actus intellectûs, nec rectitudo activa.
- IV. **E**ns rationis consistit formaliter in esse objectivo, habetq; etiam essentiam, quàm existentiam: est transcendens respectu suorum inferiorum, & à sola potentia intellectiva formabile, quod ab intellectu Divino practicè non cognoscitur.
- V. **Q**uamvis dantur à parte rei naturæ universales, universale tamen Logicum ante operationem intellectûs non datur, quod fit per actionem intellectûs possibilis comparativam, simplicem.
- VI. **G**enus prædicatur de speciebus ut totum potentiale, quod in substantiis corporeis sicut & differentia sumitur proximè à tota compositæ rei essentia: ex utroq; autem compositio est vera, sed non realis.
- VII. **S**ubstantia per propriam speciem cognoscitur, habens rationem formalem positivam esse per se, in cuius prædicamento DEVS non ponitur.
- VIII. **E**ssentia quantitatis prædicamentalis, est extensio partium in ordine ad se: partes tamen entitativas substantia ante actualem quantitatem inter se distinctas actualiter, non admittit.
- IX.



- IX. **R**elatio prædicamentalis est ens reale in esse *in*, cum esse *ad* consistens, à suo fundamento realiter distincta.
- X. **U**ltima sex prædicamenta non sunt relationes extrinsecus advenientes, sed entitates absolutæ, connotantes aliquem respectum ad aliquid extrinsecum.
- XI. **F**utura contingentia, non per scientiam conditionatam, quæ non datur in DEO, cognoscuntur, sed in Decreto Voluntatis Divinæ, ante quod propositiones de futuro contingenti sunt indifferentes ad veritatem & falsitatem.
- XII. **S**cientia, quæ cum fide & opinione simul in eodem subjecto, de eodem objecto stare nequit, nec de contingentibus singularibus, nec de entibus per accidens datur.

*Ex Libris octo Physicorum.*

- I. **O**bjectum formale Physicæ est ens mobile radicaliter acceptum, cuius principia, non sunt atomi, nec 4. Elementa, nec quædam Chymicorum, neque Cartesii, sed Aristotelica tria, materia, forma & privatio.
- II. **M**ateria prima nullum omnino includens actum, est pars essentialis compositi physici, in qua ante formas substantiales non dantur dimensiones interminatæ; & hæc nec existentiam partialem, nec propriam habet subsistentiam, nec per Divinam sibi unitam potest subsistere.
- III. **P**rivatio est ens reale secundum id, quod dicit in obliquo, quæ tunc principiat, quando intelligitur inesse materiæ, conveniens cum materia & forma in ratione principii analogicè.
- IV. **F**ormas materiales, quæ omnes de potentia materiæ educuntur, non tamen calorum aut elementorum, implicat separari à materia.
- V. **N**atura, quæ est principium motus & quietis, est omnibus rebus intrinseca, falsumque est res omnes ab extrinseco moveri. Et distinguitur ab arte ac violento, nec DEVS creaturæ inferre potest violentiam.
- VI. Per artem, verum non efficitur aurum.
- VII. **M**agia naturalis & artificialis est licita. Inventio tamen thesauri per virgulam divinatoriam non pertinet ad magiam licitam.



- VIII. **R**Adix contingentiae & necessitatis in rebus, est efficacissima DEI voluntas; proximum verò principium, est defectibilitas, aut indefectibilitas creaturæ.
- IX. **M**Ovens & mobile, agens & passum debent esse simul, nec datur actio in distans.
- X. **C**orporibus inest vis motrix, quæ est quædam qualitas motuum corporeorum effectrix: causa verò motûs resilientiæ, non est sola elasticitas.
- XI. **S**ine actuali concursu DEI tam simultaneo, quàm prævio, causa secunda non operatur: quem concursum DEI prævium, dicimus esse prædeterminationem Physicam consistentem in Decreto DEI formaliter immanente, virtualiter transeunte, quæ per suam efficaciam causat libertatem creaturæ.
- XII. **S**icut infinitum creatum actuale repugnat; ita nullum Sens creatum potest augeri, aut diminui in infinitum; in continuo tamen, quod componitur ex partibus, dantur infinita indivisibilia, potentialiter.

*Ex Libris de Cælo, mundo ac elementis.*

- I. **M**undus in tempore conditus est, cujus æternitas ex doctrina Aristotelis non necessario colligitur.
- II. Creatio est de Aristotelis mente.
- III. **C**æli mobiles sunt undecim, figuræ sphericæ, non singuli tamen sunt simplex sphaera, incorruptibiles, solidi, inanimati, quorum motus est naturalis, neq; motus raptus est ipsis violentus; aguntq; etiam Empyreum, in hæc inferiora occultis qualitatibus, lumine, motu, quo cessante cessarent actiones inferiorum.
- IV. Astrologi possunt aliqua certo ex Astris prædicere.
- V. **E**lementa, quæ sunt quatuor, sunt sphericæ figuræ, moventur motu simplici recto præter terram, quæ est immobilis.
- VI. Aër est simpliciter levis & elasticus.
- VII. **Q**uodlibet elementum ex quolibet immediate generari potest. Et hæc manent in mixto, beneficio qualitatis mediæ, solum virtualiter.



VIII. **D**atur vera mixtio; in mixtis tamen, non est dabile, temperamentum æquale ad pondus.

*Ex Libris de Generatione & Corruptione.*

- I. **P**ossibilis est generatio substantialis, per quam, quod produ-  
citur ut quod, est suppositum vel Persona, quæ Chri-  
sti D. est univoca cum aliis hominibus.
- II. **N**utritio & augmentatio sunt motus continui, prima  
toto vitæ animalis tempore durans, non secunda.
- III. **V**ivens toto tempore augmentationis manet idem nu-  
mero, in quo augmentatio fit secundum omnes par-  
tes viventis.
- IV. **R**es permanens semel corrupta, solum Divinitus eadem  
numero potest reproduci; successiva nullo modo.

*Ex Libris Meteororum.*

- I. **M**eteora alia dantur in aëre, alia in aqua, alia in ter-  
ra, non tamen in regione ignis, nec inter sphaeras  
celestes.
- II. **M**eteora alia sunt ignea, alia aërea, alia aquea, alia terrea
- III. **D**antur cometae, qui sunt sublunares & moventur  
irregulariter.
- IV. **C**ometae prænuntiant effectus, habentes physicam cum  
illis connexionem, non necessario tamen: mortes au-  
tem Principum, bella, hæreses, tyrannides, nisi per accidens.

*Ex Libris de Anima.*

- I. **A**nima est substantia simplex, corporea formaliter emi-  
nenter, non tamen corpus.
- II. **I**n uno vivente non dantur plures formæ substantiales  
partiales præter animam.
- III. **P**otentia animæ specificantur ab objectis & a-  
ctibus, quæ ab illius essentia & inter se distinguuntur  
realiter.
- IV. **S**ensus externi, qui circa objectum proprium, quod  
est universale, errare non possunt, sunt quinque; interni  
qui non omnes in omnibus inveniuntur, sunt quatuor.
- V. **S**ensus



- V. **S**ensus partim sunt potentia passiva, partim activa: ex quibus visio fit per receptionem speciei, cuius objectum lux, est qualitas realis, non intentionalis.
- VI. **A**nima intellectiva est spiritualis, immortalis, manens post mortem in statu felicitatis, aut infelicitatis, etiā in sententia Aristotelis.
- VII. **I**ntellectus, qui est vera animæ rationalis potentia indigens speciebus impressis ad suas cognitiones, quem repugnat intelligere, intellectione à se non elicitā, aut est speculativus, aut saltem extensivè practicus.
- VIII. **E**x indifferenti iudicio repugnat procedere volitionem necessariam, sicut ex naturali, liberam: ratio autem formalis libertatis ut sic, est sola indifferentia objectiva.

*Ex Metaphysica.*

- I. **M**etaphysica considerans quod quid scientiarum particularium, est scientia speculativa, circa ens reale per se, in communi, occupata.
- II. **E**sse, est primarius conceptus entis, quod respectu omnium inferiorum est analogum & transcendens, nullam cum suis differentiis faciens compositionem.
- III. **E**ssentiæ rerum, in aliquo gradu entis, quamvis non sunt aliquid positivè extra DEVM ab æterno, non tamen sunt nihili: sed habent esse possibile, quæ possibilitas est rebus intrinseca derivata à DEO, ac idæis Divinis.
- IV. **D**antur præter substantias accidentia & modi distincti à re modificata.
- V. **N**ec forma, nec hæcceitas, sed materia signata quantitate est radix individuationis substantiarum materialium.
- VI. **D**atur status separationis animæ rationalis, illi præternaturalis, in quo intelligit & retinet species huius vitæ, alias verò habet infusas.
- VII. **D**ivisio potentiæ passivæ in naturalem, violentam & obedientialem est adæquata. Neq; dabilis est potentia obedientialis in creatura proximè activa actu, supernaturalium, aut potentia neutra.
- VIII. **D**emonstrabile est dari in rerum natura Intelligentias, quæ componuntur ex genere & differentia, ex actu & potentia



potentia, ex natura & supposito, quas intra eandem speciem multiplicari repugnat.

IX. **A**ngeli secum colloquuntur, etiam secretò, si volunt; unus alium illuminat, solentq; variis modis apparere.

X. **H**æc propositio, DEVS est, est per se nota quò ad se, non quò ad nos. Est tamen demonstrabile DEVM esse, etiam permissò processu in infinitum. Neq; dari potest in homine invincibilis DEI ignorantia rationis usum habente.

XI. **D**EVS est ens infinitum, simplicissimum omnis omnino compositionis expers, continens omnes perfectiones creatas eminenter, simpliciter simplices formaliter eminenter


XII. **D**EVS ubiq; & in omnibus rebus existit, idq; ratione suæ actionis transcuntis, sed non in spatiis imaginariis; in quo attributa solùm ratione distinguuntur, ita; ut se implicite includant.

XIII. **C**reatio, quæ non est realis mutatio, nullo modo competit creaturæ, quam dari ratione naturali demonstrari potest.

XIV. **T**ota Philosophia Peripateticorum, non perimit Physicam experimentalem Neotericorum; imò neq; utilem in illa profectum impedit, quod frustra moderni Neoterici imaginantur.


Hinc

Soli DEO Honor & Gloria.



Permissu Magnifici Domini

RECTORIS.





ti  
e,  
M  
o-  
m  
o  
es  
er  
ne  
a-  
ur


10  
c.

y-  
ti-  
e-

卷之六

卷之四







3.XII.13

22000,-



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



